

Oleh IZRA ABD RAHMAN  
izra@thestar.com.my  
Foto RICKY LAI HUA TECK

**M**ENGANGGAP Malaysia sebagai kampung halaman kedua barangkali, tidak hairanlah lagak dan gaya warga kulit hitam yang menjadi tetamu negara kita tak ubah seperti samseng atau 'otai' di kampung sendiri.

Realitinya, mereka kini dapat dilihat di mana-mana. Entah siapa mereka, dari mana datangnya mereka dan apa tujuan mereka ke sini, semuanya masih kabur dan meninggalkan tanda tanya.

Sedang persoalan ini masih tidak terjawab dengan jelas dan nyata oleh sesiapa, apa yang pasti kumpulan berkulit hitam ini kian bertambah dari hari ke hari.

Dari kumpulan kecil mereka membentuk satu kelompok besar dan lama-kelamaan dengan mudah membina satu komuniti lebih besar.

Walau tiada rumah dan keluarga sendiri, tidak keterlaluan bila dikatakan mereka ini ibarat mempunyai sebuah keluarga besar di sini sehingga sebilangan di kalangan mereka berani bertindak biadab dan tidak menghormati hak, budaya serta sensitiviti masyarakat setempat.

Di Taman Wawasan, Puchong, keberanian kumpulan 'mat Afrika' ini terserlah apabila mereka menjadikan satu selekoh laluan orang ramai sebagai 'port' lepak dan keluarga besar mereka berpesta. Hal ini bukan sahaja merimaskan, tetapi turut mencetuskan perasaan takut di kalangan masyarakat setempat.

Menerusi tinjauan yang dibuat, selekoh berkenaan akan dipenuhi kira-kira 50 orang warga Afrika setiap malam. Di situ, mereka berpelesenan, menonggak arak, melakukan urusan jual-beli dan tak ketinggalan bersiuil-suil sambil beramai-ramai mengusik gadis tetapan.



Selekoh ini menjadi 'port' lepak paling digemari warga Afrika di Puchong.

# 'Mat Afrika' tawan selekoh laluan orang ramai

Seawal pukul 6 petang, seorang demi seorang muncul, sama ada dengan kereta atau hanya berjalan kaki dari kondominium yang disewa di kawasan berhampiran.

Bagi yang berkereta, cukup mengagumkan apabila kebanyakan mereka dilihat melaram sakan bersama kereta mahal masing-masing.

Sekitar pukul 8 hingga 10 malam, kumpulan ini semakin ramai, memenuhi kawasan selekoh dan di kaki lima kedai-kedai berdekatan sehingga keadaan menjadi riuh-rendah.

Dengan bahasa yang tidak difahami masyarakat tempatan, mereka berbual dengan suara yang kuat dan lantang sesama sendiri. Sesekali kelihatan mereka bertindak agresif dan bertempik tanpa sedikit pun menghiraukan penduduk setempat yang ada di situ.

Radio kereta pula dipasang sekuat hati tanpa mengendahkan penduduk tempatan yang sama sekali tidak pernah melakukan aktiviti seperti yang dilakukan mereka.

Tindakan mereka menjadikan selekoh sempit dan kaki lima kedai sebagai 'kawasan' mereka turut menyumbang kesesakan lalu lintas terutama sekitar jam 7.30 malam hingga 10 malam.

"Suasana yang diwujudkan geng itu sangat merimaskan. Yang lelaki gayanya macam samseng, yang perempuan pula pakai seksi dan menjolok mata. Sakit mata memandang.

"Mereka melintas tak pandang kiri-kanan. Kalau kita hon, mereka pandang semacam.

Dulu, masa mereka tak ada, jalan ni tak pernah sesak," kata seorang penduduk yang enggan mendedahkan identiti atas faktor keselamatan.

Difahamkan, situasi sebegini berlaku kira-kira lima tahun lepas tetapi jumlah kumpulan warga asing ini tidak ramai seperti sekarang.

Ditanya tentang status warga asing terbabit kepada peniaga-peniaga di kawasan itu, rata-rata mereka tidak pernah mendapat jawapan pasti.

"Mereka kata mereka pelajar. Tapi macam itukah gaya seorang pelajar? Bila ditanya pelajar kolej mana, mereka tak jawab," kata seorang peniaga.

### Arak, mabuk, gaduh perkara biasa

Tindakan paling tidak dapat diterima dan mencetuskan kemarahan masyarakat setempat apabila kumpulan terbabit sering



Botol-botol minuman keras dibuang di merata-rata tempat.

minum arak secara terang-terangan dan kemudiannya mabuk.

Di mana mereka menonggak arak itu, di situlah juga mereka akan mencampakkan botol-botolnya.

Pada waktu pagi dapat dilihat banyak botol arak dan sampah-sarap yang ditinggalkan kumpulan warga Afrika itu. Ada juga botol-botol yang sengaja dipecahkan.

Situasi tegang yang wujud setiap kali mereka mabuk membuatkan penduduk sekeliling berasa diri mereka tidak selamat memandangkan 'port' warga Afrika itu terletak berhampiran kawasan kedai yang menjadi tumpuan penduduk di situ.

"Bila mereka mabuk, mereka akan bergaduh sesama sendiri tanpa menghiraukan penduduk setempat. Pergaduhan sudah jadi perkara biasa di sini. Mereka anggap kawasan ini mereka punya dan tiada siapa yang berani ganggu," kata seorang lagi peniaga.

Difahamkan, kumpulan ini juga sering membuat salinan fotokopi duit di kedai fotokopi berhampiran, terlibat dengan dadah dan kes tipu.

Mual melihat aktiviti 'mat-mat Afrika'



Warga asing dari Afrika muali berkumpul di kawasan ini seawal pukul 6 petang.



Aktiviti yang dilakukan 'mat Afrika' merimaskan penduduk di sekitar Pusat Bandar Puchong.

yang baginya jelas sekali tidak menghormati undang-undang dan masyarakat tempatan, peniaga tersebut bimbang keadaan akan menjadi lebih kritikal jika kumpulan ini dibiarkan bermaharajalela.

"Mereka suka kacau perempuan, tapi pihak berkuasa tak pula 'kacau' mereka. Orang kita

takut nak berkumpul ramai-ramai macam mereka sebab takut dengan pihak berkuasa, tapi mereka tidak," katanya.

Bau busuk timbul bila mereka juga sering membuang air kecil di merata tempat dan bertindak menconteng dinding-dinding kedai ketika kedai ditutup pada waktu malam.